



Emmanuel Rodríguez Ramírez

Kuyujkuy: Nuntajñiyi'
Tigangjuj: Hilario C. Salas

Aamtyiy: 6° Kuyujkuytyik: Benito Juárez García
Kuyujkuytyik ingjakkuy: Buena Vista

Jaama': 01 de Abril 2019
Kobaknaxukmi': Soteapan, Ver.

Kuyyaj tantsoywatkapa'ap.

Nuntajñiyaj pekam i'ixpikyajpa' yippem kuy ipikyajpa'ap jesik mimneyajpa'. Yi'p jñixi' wiñik pñixiñ ingkejtsakyaj, je'eyuku' ta'ichtyam tanjoodongtam tyityam tampikpa' jesik tammimne'eba' iga' je'mim tanatsoiytyaap.

Ity waaty' kuy tantsoywatkapa'ap ju'uts; jesik agi' tamatsne'eba' kobaktooya' tasatsaytyaap paaki' i'ay iga' je'mim tamujaytyaap tangkoobak; jesik tako'owane'eba' akyumaytyaap nanchiñ iñaaka' iga' je'mim taotsaytyaap tangko'owaaji' iga' jesik wiitsiyapa'; jesik agi' jomchixñe'eba' tannaaka' takyumaytyaap epasut ityiichik iga' je'mim tantsoiyypa' tañchiñchaañ; jesik agi' tamatsne'eba' kobakpiiji' tapi'inaaytyaap pu'uchmooya' iga' je'mim tamujaytyaap tangko'obak; jesik tuum tsixi' agi' imatsne'eba' tsokoyxaaba' akyumaytyaap je'm jonyaaty' ityim titsnewi'ip iga' je'mim akpistaap. Je'eyuku' wii iga' tañixpigiñ ju'p kuy tantsoywatkapa'ap iga' oypa' tantigangjoom dya' tampa'tpa' je'm saktam ikutsoy, oypa' dyatyim tanaktsiyapa' tanjuyaj je'm ichoy tama'yhipa'ap.

Jesik tamimne'eba' oypa' tatsoyypa' tanaapa', oypa' tanchomo', oypa' tanjaatung, oypa' tangwewe'. Siga' je'eyaj dyam wi'aap tatsoyyyaj, jesik tananiktaap tuum kutsoyki'im. Tantigangjoom ity yoomtam jaayapi'k ichoyiyoyyaj, ityiyim pñixiñyaj jaayapiktyim ichoyiyoyyaj, je'eyaj tañixpikyajpa' ju'uts kutsoyyaj. Tuum kutsoy tsaam ijoodong tyityam pigaytyaap tuum kuy iga' tsoywatkataap, iga' je'mim iwatpa' yippem tsoy tachi'ipa'ap. Je'm kutsoy dya' jexpatyim yo'oxaap iga' je' ikuyujkatyim juutypi'k tatsoyypa'. Je' ijoodong juchix iku'am je'm ichoy, ijoodongtyim jutsane'eba' iityi' jesik iwatpa' je'm tsoy.

Tuum kutsoy jesik tapiktongne'eba' tawagaypa' iga' tanawidyata'iñ. Je' ijoodong iga' ity ka'akuy tamatspattyim, ijoodongtyim iga' ity ka'akuy dyapi'k wii, ju'uts je'm takmatstapa'ap. Tuum kutsoy ingpñimi' yippem ka'akuy iga' je' nawi'idyatatyim jesik tsoyiyoypa'. Siga' dya' tanawidyataap jesik si'p tanatsoiytyaa wi'aap tampooyxet. Iga' tuum jñixi' ka'akuy dya' tanamichpa', dyatyim tanamichpa' Chanij wewej, dyatyim tanamichpa' je'm jaytyampi'k ika'akuy. Siga' tapisto'oba' jesik tankupikpa' tyiam tanimaypa' je'm kutsoy.

Je'eyuku' wii iga' tangkuyujka'iñ yi'p wii big jñixi' iga' jesik tanjoodongaap ju'ptam kuy tantsoywatka'aba' jesik tamimne'eba'. Siga' tangkuyujka'aba' yi'p wii big jñixiyaj jesik tanaktsiyapa' iga' wii tangwi'idyaa tankuyangjuyaj. Yi'p wii big jñixi' tangkejyatyim juutypi'k tangwi'idyaa tamijtaay.

Tyii tanangkejpa':

Tanjoodonpi'k:

- Ju'ptam kuyyaj itywi'ip tantigangjoom tantsoywatka'aba'.
- Tyityam pigaytyaap tuum kuy jesik tantsoywatka'aba'.
- Juutypi'k tanatsoiytyamtaap jesik dya' tangkunikpa' je'm saktam ikutsoy.
- Ju'uts je'm tsoyiyoyyajpa'ap tantigangjoom.



- Je'm j̄ixi' ingkejpa'ap juutyipi'k tanatsoyiytyamtaap iga' wi'aiñ tankupig tyiiga' jeempik taj̄istampa'.
- Je'm saktam ij̄ixi' n̄impa'ap juutyipi'k tanatsoyiytyaiñ iga' wi'aiñ tannim jutspiy angkakne' je'm ta'ichpik tanj̄ixityam.
- Tyiiga' w̄i tangwi'idya tangkuyangjuj juuty ta'itytyam.
- Juuty wi'aap tangkuam angmaaty' tangkejyapa'ap je'm kuyyay tantsoyiwatkapa'ap.

Tatotjyapa' tanaktsiypa' iga':

- Wisteen angmaaty' natoopyajtapa'ap iga' iwatyajpa' tuungak angmaaty', ju'uts: aakuyñaaka', nanchiññaaka'.
 - Je'm jaayi' ñ putpa' iga' w̄isteen angmaaty' topyajpa', jesik:
 - Je'm wiñtyipi'k ikuyajka'aba' (y) (ñ).
 - Je'm okm̄ipik ichukumka'aba' (n)
 - Tuum angmaaty' n̄impa'ap tyiije' kukakpa' jesik tan̄impa' tyii tangwatpa', ju'uts: tsoy, tsoyiyoypa'.
 - Je'm jaayi' (i) toppa' tuum angmaaty' jesik n̄imto'oba' iga' im̄ichi', ju'uts: i'ay, iñaaka', itȳichik, imooya'.
 - Je'm jaayi' (i) jesik toppa' tuum angmaatyiyukm̄i' ikukagaypa' je'm jaayi' (t) (ts) (s) (n) iga' jesik putpa' (ty) (ch) (x) (ñ) je'm joomangmaatyiyukm̄i', ju'utys i+t̄im = itȳim (su fruta), i+naaka' = iñaaka', i+satspa' = ixatspa', i+tsetspa' = ichetspa'.
 - Je'm jaayi' (to'o) tamp̄ikpa' jesik tan̄impa' Tyii tansunpa', ju'uts jesik tan̄impa' apisto'oba', antsoyiytyo'oba', anaktsiytyo'oba'.
 - Je'm jaayi' (ta), (tan), (tañ), (tam) (tang) tamp̄ikpa' jesik tanaj̄iykimtamtaap jesik tatootjyapa', ju'uts tanaktsiypa', tantugaypa', taññippa', tammutspa', tangkuw̄iwatpa'.
 - Je'm angmaaty' w̄i, chokomi', jayang, uxang, waaty', ikumuuma' tamp̄ikpa' iga' tangw̄i kutiyiyiñ tyii tan̄imto'oba'.
- Je'm tooto' tangwatpa'ap.
- Ju'uts je'm tooto' tangwatpa'ap.
 - Tyityam ininikpa' je'm tooto' tangwatpa'ap.
 - Tyii meskuy je'm tooto' tangwatpa'ap.

Jutsang jaama' tanangkejpa':	Tyityam tamp̄ikpa'
Makna' jaama'	-Poptooto', neksoykuy, mepsoykuy, kuwiñyaj, kinoykuy, jayoykuy, atogoyoykuy, jaykuytooto', maykuytooto'.

Tanaktsukumpa':

- Kumun angtsongta'ami' yi'p akwago'oyiyaj: Ju'ptam kuy iñixp̄ikpa' iga' tsoyiwatkataap, tyityam pigayyajtaap jesik tsoyiwatkayajtaap, li tsoyiyoypa' iñtyigangjoom, Ju'uts je'm tsoyiyoypa'ap, Iñjoodong ingwat tuum tsoy.
- Waagayi' je'm tsixtyam iga' ikua'myajiñ ityigangjoom tuum kuy tsoy watkatapa'ap. Akwagoyiñtyim tyii kaakuy ichoyiypa' mo'am ikomyaj yi'p kajun.

Tyii iñiyi' je'm kuy	
Tyii meskuy	
Ityii pigaytyaap iga' tsoyiwatkataap	
Tyityamnam ininikpa' iga'	



tsoywatkataap	
Juutypik wattaap je'm tsoy	
Juutypik piktaap je'm tsoy	
Juutypi'k tanawiiyataap jesik tanukpa' yi'p tsoy.	

Tangwatpa' :

- Waga'ayi' je'm tsixtyam iga' imayyajiñ ikuyujkuytyikjoom je'm jixxi' ijaykamyajwi'ip je'm kajunjoom.
 - Waga'ayi' je'm tsixtyam iga' antsayyukmi' ikumun jaykamyajiñ ijaykuytootojoom ityumpiy je'm kuy tsoywatkataap'ap ityigangjoom. Yajpa' nimayyaayi' iga' ijaykamyajiñtyim tyityam pigaytyaap je'm kuy jesik tsoywatkataap, ikkamyajiñtyim juutypik wattaap je'm tsoy mo'am ikkamayyajiñtyim tyii ka'akuy ichoyiypa', ju'uts:
- Aakuy iñaaka' tsetstyaap mo'am akyumtyaap iga' jemim tanchok otspa' tammaayi' juuty kotsne'eba'.
- Waga'ayi' je'm tsixtyam iga' imayyajiñ je'm jixxi' ijaykamyajwi'ip. Yajpa' wagaayi' je'm tsixtyam iga' ijityajiñ juuty ity je'm kuy iñiyi', yajpa' ijityajiñtyim juuty ity je'm iñiyi' je'm tsoywatkataap'ap, okmi' ijityajiñtyim juuty ity je'm ka'akuy iñiyi'. Jesik yajum ijityaj ijaykamyajiñ ijaykuytootojoom ityumpiy je'm ijityawi'ip.
 - Yajpa' angmatta'ami' iga' ity niyi' nato'opyajta'ap, je'm joomniyi' je'etyim iñiyiypa' iga' je'm niyi' nato'opyajta', ju'uts:
- Aakuy+naaka'=Nanchiññaaka'.
- Ixkuy+piiji= ixkuypiiji'
- Koobak+tooya'= Kobaktooya'
- Kumun jaykamta'ami' tuum jixxi' juuty iningmattampa' je'm angmaatyi' nato'opyajpa'ap.
 - Wagaayi' je'm tsixtyam iga' eebigtyim ijaykamiñ ityotoojoom je'm pigaytyapa'ap je'm kuy iga' tsoywatkataap. Yajpa kumum ki'ipingta'ami' je'm jaayiyaj mo'am kutsongta'ami' yi'p akwago'oyiyaj: Juutypi'k tsukumpa' je'm jaayiyaj, tyii iñaska'aba' je'm niyiyaj. Ju'uts
- iñaaka'
- Waga'ayi' je'm tsixtyam iga' ikutsongyajiñ yi'p akwago'oyiyaj:
- Tyii iniwatpa' je'm jaayi' (i) je'm niyiyaj.
- Tyii nimto'oba' je'm niyi' jesik wiñtyi' ininikpa' je'm jaayi' (i)
- Tyii iñaska'aba' je'm jaayi' itywi'ip wiñtyi' je'm niyiyukmi' jesik je'm jaayi' (i) nato'optaap je'm niyiyumi'.
- Kumun jaykamta'ami' tuum jixxi' juuty iningmattampa' tyii meskuy je'm jaayi' (i) tanangmaatyi'joom.
 - Akmaayi' je'm tsixtyam je'm jaayi' iñiyipi'k Paaki' iay akkayaypa' angkobaktooya', yajpa' waga'ayi' iga' ingtsongyajiñ yi'p akwago'oyiyaj.
- Ii je'm iwatpa'ap je'm tsoy.
- Tyityam piktaap iga' wattap je'm tsoy.



Juutypi'k wattaap je'm tsoy.

Juutypi'k piktaap je'm tsoy.

Tyii nimyajpa' je'm angmaaty' j̄itniyajwi'ip je'm jaayijoom.

Tyii meskuy je'm angmaaty' ȳikkingniyajwi'ip je'm jaayijoom.

- Waga'ayi' je'm tsixtyam iga' imayyajiñ je'm angtsoongi' ikutsongyajwi'ip.

- Waga'ayi' je'm tsixtyam iga' ingtsayiyukmi' ijaykamyajiñ ijaykuytootojoom je'm jaayi' j̄itniyajwi'ip, yajpa' waga'ayi' iga' ijayputyajiñtyim je'm angmaaty' ȳikkingniyajwi'ip. Yajpa' ijaykamyajiñtyim tu'unggak angmaatyiyaj jeexpikyajtyim.

- Kumun jaykamta'ami' tuum tuum j̄ixi' juuty iningmatpa' tyii meskuy tumtum je'm angmaaty' ingkuyujkatamwi'ip.

- Nimaayi' je'm tsixtyam iga' ikutsongyajiñ yi'p akwago'oyiyaj:

Juutypi'k wi'aap tannangkej yi'p j̄ixi' tanjoodongatamwi'ip.

- Angmadaayi' je'm tsixtyam iga' ity maykuytooto' ini'itywi'ip ityumpiy je'm kuyyaj tsoywatka'ap. Yajpa' chi'i je'm tsixtyam iga' ikiipinyajiñ juten je'expik tooto'.

- Waga'ayi' je'm tsixtyam iga' nangpingyajta'iñ jutenyaj, kumun angmatyajiñ mo'am ityummyajiñ j̄ixi' iga' juutypik iwatyajpa' tuum maykuytooto' ini'itypa'ap ityumpiy je'm kuyyaj tsoywatka'ap tantigangjoom.

- Waga'ayi' je'm tsixtyam iga' iki'ipinyajiñ je'm imaykuytooto' iwatyajwi'ip iga' ini'idyin ityumpiy je'm ini'itywi'ip je'expik maykuytooto'.

Tanakkuyajpa':

- Tumta'ami' j̄ixi' mo'am nimta'ami' tyii jaama' iningkejtanpa' ingkuyujkuytyik je'm yooxakuy ingwattamwi'ip.

Kutitso'oyi':

Ki'ipingi' je'm tsixtyam iyooxakuy.

Paaki' akkayaypa' angkobaktooya'

Ani'iyi' Xiwan, ich a'ity Soteapan. Ana'ity Makna' wisteen anaamtyiy. Yibam aamtyiy aputpa' juuty si'p angkuyuj iga' atigiypam tuunggak kuyujkuytyik, je'eyuku' tsaam amaymayam. Ni'mpa' anaapa' iga' ich antsakpam iga' amihcha' ju'uts xutyu' tsixi' iga' apixixiñabamansi'.

Ich Injoodong iga' ammijtaay kakapam ixixi', je'am anaktsiyne' angkuyujkuytyik, je'eyuku' anjoodongam iga' dyam je' atsiixi'. Mawixki' agi' amats kobaktooya' jesik aseei iga' oy akuyuuji'. Tsaam piimi' toy angkoobak, añixkuy tsaam wej. Jesik kutsu'uyaj anaapa' oy i'am anchomo' iga' awadayiñ uxang tsoy. Anchomo' agi' jaaya' ichoyiyoy, je'eyuku' agi' kunuutaap.

Anchomo' oy ityuk uxang paaki' imaañay mo'am moj ixats tuum tampukjoom. Anchomo' ixats chokoymi' ityumpiy je'm paaki' imaañay. Je'm ni' putwi'ip agi' wii ichuus. Jesik yajum ixats je'm paaki' iay anchomo' ikujim je'm tamput yawatmi' mo'am ichak angsiikmi'. Je' ni'mpa' iga' jesik je'm ni' imatspa' je'm mik ipagak ketpa'ap tsu'uki'im, je'eyuku' je'm ni' ikkaypa' je'm kobaktooya', iga' jesik tamatspa' kobaktooya' tangkoobak agi' pijpa'.

Ikukejaama' anaapa' ananik anchomoki'im, anchomo' ipik je'm paakiñi' mo'am moj amujay angkoobak. Je' ingwejpa't tanoomi' iga' atsagiñ je'm kobaktooya'. Ich anjaam jesik moj anukka' je'm pagakni' ken ju'uts je'm pagak tigi'y angkobakjoom. Ikutsu'uyaji' otyim ammu' angkoobak anchomoki'im. Ikukejaama' dyam idyik toypa' angkoobak. Je'eyuku' anaapa' ikka' tuum wooñpiyu' iga' anawiktam anchomo' antiki'im.

